

曼谷

九谷

亭

集

谷

履齋亭集卷十三

壽陽祁寓藻叔穎

古今體詩四十三首

丁亥戊子

吳侍御

係

疏請唐陸宣公從祀

文廟得

旨俞允賦詩敬紀二首

帝德儒風重闡揚已聞俎豆及劉

念臺

黃石齋

長公意在

陳龜鑑文黨名應繼講堂不獨鄉賢增慨慕

宣公嘉興人

定知

國史有輝光獨憐翰苑流傳註斷簡何人爲弄藏

吾鄉張孫圖先

生佩芳著翰苑集注二十四卷行世

縱觀唐室艱難會太息宣公濟世才若使門牆依闕里真

堪陶鑄望顏回孤臣九死南賓地定論千秋御史臺  
魏我清湘曾奉使投書空爲賈生哀

侍御時自四  
川學使還朝

鵲銜燭

庭樹鵲朝飢不得食銜我窗頭燭家僮驅鵲上樹木遺燭  
墮地鳴相逐鳴相逐當奈何倉箱已滿田無禾況復天陰  
秋雨溼兩翅欲飛何處集鸚鵡爾能言飽啄香稻粒何不  
分餘糧使我楂楂繞檐急豪家蠟燭代薪燒願銜枯枝換  
寸膏

見山臺

一卷莫笑不崔嵬信步登臨日幾回試詠嵩巖大宋句見

山何必上高臺

宋元憲過  
紫嵩菴句

季高以薤菘二菜詩見示次荅

鄉味如鄉人何斯能違斯錦衣雖遠遊義不忘冠師海錯  
信云美家庖非所治乃知藜藿肚不爲山川歧嗟我與夫  
子攜手同所之同里復同官出處一何奇連年直園廬風  
雨兩無遺豈惟晨夕數兼欲形影隨有月不獨坐有螯常  
並持牆頭過濁醪離腳分霜葵賓朋互醅酢佩帶交委垂  
僮僕亦嫻熟往來傳新詩塗牆更浣壁所好終不移卽此  
抵還鄉母爲感鬢絲

吾鄉雖山國園蔬多且有秋來煮菘芥味不減菱藕鐙火  
照檐隙霜露淒隴首灑然舊雨至酬唱亦云偶往者驢背  
約君可我詎否終當訪獵閭歸與田蘇友天風吹浮雲塵

世開笑口陶令樂秋秫周生媿春韭當思肉食鄙敢使素  
心負君看灌園翁忘機任所受石土先生相期在永好豈日報  
瑤玖

題嶺南殷耕野師尹詩集

儒雅風流殷仲文新詩一卷寄南雲此集郭宛皆孝廉寄示力搜珠

海蛟龍窟氣壓金臺駭駟羣青簡悲涼工詠史吳鉤談笑  
慕從軍因君悵望羅浮月萬里梅花入夢勤

丁亥九月四日香山直廬

別館紆秋駕村農見羽旄由來

勤肄武不爲賦登高香山設健銳火器二營每駕幸閱兵於此紅葉圍金埒

黃華簇錦袍歡聲已雷動誰識

聖躬勞

憶昔簪豪地聯吟侍絳紗當時香案侶曾詠馬櫻花癸未三月  
扈從至此蓋齋師有句云門前此樹風霜久看人歲月賒  
馬櫻花初到如我長蓋憶舊也園丁終勿翦留待暮棲鴉

香山紅葉得山字

仙嶠晴暉來

北闕離宮秋色滿西山三年

翠輦經臨處萬樹清霜點綴閒雉扇雲移

天仗近龍橋水接

御溝灣分明石磴泉光瀉隱約瓊樓藻繡環槐柏陰中偏  
絢爛蘚苔雨後更爛斑紅牆有路通河漢青女何時染髻

鬢遙想彩虹排閣道直從丹闕俯入寰輿塵細草扶輿過  
汗血桃花策騎還初日不教蓮粉墜落霞猶照鏡波殷林  
巒入畫難侔色草木知春爲駐顏地迴祇疑蓬島隔天高  
曾許桂枝攀癸未重九日特賜近臣策馬登高獨憐柿葉傭書手作賦空  
叨侍從班

九月七日侍班恭紀

是日上御香山正直和平殿勾到四川秋審案冊御殿勾

到例東嚮坐

左掖清霜降寅階旭日賓垂衣瞻

舜治解網識

湯仁憫彼巴渝俗難回竄詰倫豈無輕典貸欲使衆情伸  
沃土淫誰誨良苗櫛更新仰勞

丹筆定終望，整夫馴諸葛。名猶憚文翁，化自淳哀矜。心勿喜，豈弟吏宜循。賓旅元能武，巴歌豈好顰。但教歸約法，不必盡頑民。

三宥恩施大羣生，感被均願將刑措。意檄諭徧峨岷。

### 香山歌

小園面西山，一日看幾回。秋風吹羸馬，送我山中來。青龍橋西林麓斷，稻田流水柴門開。玉泉萬壽爭入眼，裂帛昆明無點埃。

輦道直如弦，車聲轉如雷。不知香山縹緲在何許，但見空中湧現金銀臺。傳聞乳峯石狀與匡廬鑪峯儕，此山得名或繇此。至今噓雲吐霧疑是鑪烟灰，神仙窟宅何崔嵬。前



朝得之不敢享金碧變幻成莓苔

香山寺遼中丞阿勒彌捨宅爲寺卽金章宗之

會景樓也金大定時賜名大永安寺亦名甘露

六丁太乙妄祈禱何況碧雲甘露

遭彼貂璫

碧雲菴明內監墓地

千年靈輿有開闢

聖祖肇基

高宗恢前有

龍書四字照宇宙

康熙照乾坤

御書普

後有二十八景燦爛星

辰排

乾隆

聖製香

君不見漢未央唐九成斯皆秦隋阿

房仁壽之故址我享其功彼竭財金鋪瓊戶用爲後人鑒

穹碑功德安在哉我

皇恭儉紹

前軌露臺不築仍土階三年

攬轡一遊豫年豐物阜人無災干戈既息河海晏猶復登  
高望遠心徘徊小臣載筆屬車後獻賦媿乏班馬才憶昔  
扈從初到此衣香履迹尙書陪謂左田丹青老去濠梁崔  
縱有東絹一匹誰能裁

香山直廬戲呈季高

不須雲母隔屏風板壁橫嵌戶正中蝸角同廬原有界蜂  
房並蒂本相通垂簾但覺香留坐排闥方知翠埽空欲寫  
匡山眞面目竊如秋水翦雙瞳

讀高詹事

士奇苑西集

寒暑星終手自編自戊午至己巳凡十二年詩五百餘首編爲十二卷文章爾雅擅  
清妍誰言才謝江郎錦妙句多傳乞病年

退食金鰲染翰新百年誰識苑西鄰錦題玉軸風流盡何  
況江邨垂釣人

江村久直 禁廷凡歷代法書名畫彝鼎祕玩皆所鑒  
聞而飫見且精于鑒賞一時士大夫家藏弄投贈卷軸  
充溢今觀集中題詠有王右丞江干雪意圖柳誠懸書  
度人經墨蹟張萱漢宮乞巧圖關穉秋山圖宋徽宗御  
書艮嶽記陳所翁畫龍李龍眠赤壁圖蓮社圖李唐長  
夏山寺圖米襄陽書蜀素卷郭熙羣峯積雪圖江貫道  
長江圖黃大癡疏林結冥圖倪雲林墨竹趙仲穆越山  
圖朱碧山銀槎歌王叔明夏山小隱圖秋亭暮靄圖董  
文敏臨王晉卿煙江疊嶂圖多名蹟可傳銷夏錄所未

及載者附記於此

屋後小岡多酸棗樹題曰酸棗臺

嬾從杜老覓橙栽棗實纍纍點碧苔安邑封侯徒有樹庾  
園近市總非臺曾聞斯物關豐歲棗熟則歲豐見後山叢談敢道空場  
養廢材材與不材姑勿計秋風紅皺且銜杯

九月十五日曉雪偕季高登西岡

先冬十日寒偏驟閏歲今年氣暗催今年閏五月小雨似隨黃

雀去九月雨雨爲黃雀雨飛花故逐遛鴻來蕭疏著樹棲難定歷亂

黏衣拂不開那惜一雙閒屐齒與君登陟日千回

西峯不辨翠崢嶸隱約樓臺露幾楹認作同雲痕太淺點  
將秋水影逾明麥畦滿地都含潤桂魄連宵漸欲盈冷眼

年來稀見此莫教玉戲放天晴

季秋扈

駕謁

東陵侍班恭紀二首

行殿傳呼最上層羽林扶

輦出觚棱寒空雪霽明千嶂華表雲開見

五陵大野包羅天似蓋長松排列路如繩忝從豹尾旂車  
後數典張寬媿未能

仙人祇合侍金莖神虎曾聞守玉京月出峰巒晴有氣天  
垂星斗夜無聲時豐物阜修

禋祀濡露懷霜助

聖情不用饒歌徵漢曲

漢樂府有上陵曲

史臣早已紀

昇平

初冬園廬早起

殘月四更吐窗虛林影斜  
鑪灰寒不火蠟淚凍猶花  
地僻辭塵鞅心清矢睡蛇  
開門還小立街鼓靜無譁

次韵季高初冬園居

春早冬初三百天小園真與我  
多緣卻從雨雪馳驅後更  
喜軒窗嘯傲偏牆竹鳴風知  
夜冷池冰鑄日得晴妍爾來  
頗覺研經樂香瓣還思祀服虔

直廬白菊

夜來涼月白紛紛曉起天寒雪  
釀雲猶勝人間紅錦障蠟

薪燒罷又香薰

晨興登西岡書所見簡季高

同雲不成雪日出光爛然池冰共照耀平林生寒煙登高  
矚遠岫樓觀何聯縣下有萬人家街衢亘陌阡是時早朝  
散車馬如流川道逢採樵夫欲避難回肩曲盤膝筆陣使  
我懷昔賢歸來窗紙紅地鑪茶已煎拈毫記所見投贈無  
佳篇

黃華曲

山翁種菊滿籬落秋色橫斜隨處著一朝捆載入豪家紅  
玉青鸞照深閣細編蘆管作闌干橫鐫朱繩爲聯絡裁枝  
翦葉較長短妥帖位置無參錯平頭奴子差相似植立不

敢側腰腳商山那識漢官儀  
絲繆誤入身遭縛可憐黃冠  
野服客俯仰無計逃林壑  
靈均歎息泉明恥一笑付與橐  
駝郭主人愛爾意不薄  
雕籠更養西山鶴

蔣礪堂相國以十歲童試卷簽裝冊屬題

昔時白屋擅英聲今日黃扉贊

泰平才似長源真宰相年如穎士已諸生

蕭穎士十歲補太學生

宏

辭一卷留程式碧落三山記姓名多少孤寒依廣廈風檐

回首氣崢嶸

書篋緘藏歲月多墨香泥印未消磨已看彩筆傳諸子猶  
憶青衿擢上科斷紙零牋珍若此竹頭木屑用如何知公  
念舊無遺物長短鐙檠莫漫歌



題潘紱庭琴趣梅花二圖

抱邛此眠琴高桐散綠陰月來人不覺露下夜還深欲奏  
陽春曲誰知流水心和平與廉折底用辨弦音

崢嶸歲欲莫歷落花方新明月此間影空山何處春瘦於  
元圃鶴澹若藐姑神祇有瑤林質堪君與比倫

次韵竹溪舍人歲尾見贈二首

夕陽深巷叩書幃靜室鑪煙繞座霏小別忽看春帖換新  
年又見雪花飛絲絃退食稀清暇珠玉揮毫出紫薇底用  
華鐙照虛耗雲牋滿壁夜生輝

不爲春泥鮮出城豈因聽鼓厭承明每思舊雨連牀樂尤  
喜新詩似水清青眼高歌對吾子紅塵飛轡看羣英但須

努力銜杯酒風月吟成一再賡

戊子歲正月二十二日聞西師大捷生擒逆酋張格

爾喜賦次吳梅梁給諫韵二首

鐵山萬丈雪峰巒聞道撿渠及歲闌

上年除夕我軍獲逆酋於卡外喀爾鐵蓋

山  
皐大豈容天網漏

恩深終負海波寬

回部之先大小和卓木爲準噶爾所執幽繫累年乾隆中平定準夷釋歸故土

尋以衆叛遂滅之張格爾卽布喇呢敦孽裔也

春隨露布風先到星落欃槍夜不

寒兩載

籌邊非得已五烽日日望平安

征衣莫歎雨濛濛

勝算全歸振旅中

徵兵以示無備此逆酋所以就擒也

不用賈生誇餌致已

看吉甫奏膚公花門無事惟驅犢羽檄何煩更繫鴻尚有  
瘡痍勞撫字河西爭仰漢臣融

以斑竹管貽季高承惠新詩次和

扁舟兩日君山樣雲水曾經洗眼來懷古每餘簾竹恨論  
書深媿扈班才何期作傳誇毛穎不惜裁箋費海苔漫道  
此君無肉相奇功或藉管城開

時回疆露  
布方至

二月八日還園廬次季高韵

暫息羸驂刺促勞吟詩作字屬閒曹客來祇訝雙扉靜坐  
處猶懸一榻高砌雪乍融如過雨湖波初漲可容刀便須  
共蠟登山屐飽看春雲變海濤

季高復報佳章再疊奉謝

門韵渾忘琢句勞愛閒眞合署吟曹花經雨後移都活竹  
到春深劇更高摩詰工詩能入畫僧虔鈍筆漫如刀輪君  
投報多瓊玉題品終慙啟事濤

二月十三日蒙

恩補授右中允恭紀

黼屐臨中座

絲綸下九天地依香案近

恩許侍臣偏優秩東寮重清班內相聯不才容上考逾格

竟三遷

頃以京察一等引越十日遂有是命

見

學忝諸儒後榮叨壯歲前

紬書窺石室載筆侍

瓊筵奉使槎隨月還朝袖惹煙鵲鸞欣得侶牛馬媿承先

燕壘新泥補龍門舊笈編一官慙步武兩世荷

陶甄先大夫以大考二等由編修晉秩中允鳳閣知文誥烏臺總憲權頭銜

同日拜

口勅一時宣簪恰師生盍裾看舅壻連羣誇冰玉品獨喜

瓣香傳是日多饒峯太夫子擢左副都御史陳石士外舅夫子擢內閣學士同拜恩命

輦轂聞佳話

朝廷望進賢方驚階級驟敢負職司專獻納名須稱廉隅

祇要堅盟心期介石循分守寒瓊母教勤母懈官箴慎罔

愆玉堂端範地詹事署有端範堂清切凜冰淵

樂泉詩井序

乾隆己卯歲張文恪公泰開直

上書房於園廬東得泉愛其甘冽盥以文石屬倪敬

堂先生

承寬

書樂泉二字於石自號樂泉老人繪圖

賦詩時

皇子暨

內廷諸公咸有題詠已酉其孫

鳳枝

擢守

南籠入都暇訪舊址碑字剝落重爲勒石識其顛末  
嘉慶甲戌余始遊斯園泉漸蕪沒僅餘涓滴及道光  
癸未倬直重來泉化爲土惟碑字可讀而已戊子春  
二月季高供奉募夫極力淘濬深八九尺磬石無恙  
果有泉從西北石罅涌出逾日而清澈一泓其光可  
鑑因翦除荆棘環以新柳數十年荒廢不治之區頓  
復舊觀信可樂也爰賦詩紀事且浼同直諸君子歌

詠以落成焉

樂泉老人讀書處手闢名泉七十年中間石碣字漫滅阿  
孫念舊爲重鐫南籠識語悉顛末當時泉水猶依然繫余  
初游剔苔蘚磬石半沒餘涓涓因拈退之山石句惜彼犖  
确非清漣十年重到化爲土跳珠漱玉誰人憐東峰老榆  
似相識曾見雕闌圍處圓吾友田蘇古君子摩挲短碣前  
賢企能教甘醴出原泉肯使清流混泥滓雲根乍裂石髓  
迸鹿盧初下銀瓶起東鄰煎湯試古柏西鄰食筍求新水  
回思沈淪在荊棘豈料綆汲登筵几山桃破萼柳垂絲正  
是清明淘井時煩君書報于湖老好寄新詩補舊碑

潛此泉見水而止  
猶未得其源也

左田  
師曾

園花欲開時將扈從 南苑豫賞以詩

小院樂枝婀娜垂看花須及未開時歸來紅雪深三寸莫怨東風爲汝吹

幾日高樓見杏花又看新柳拂窗紗懸知羽獵旌旗外紅到城南海戶家

直園杏花特少惟近光樓東一株

莫春出游感懷

客從城中來邀我遊裂帛

湖名

湖隄久未上爲君著雨屐遙

山逼斜照且復循阡陌不知誰氏園車馬無行迹入門竹籬在欹側數十尺疊石鏡清漪雜花媚幽僻沿谿幾轉折高樓出金碧下有千垂楊綠綫風中擲春來老梅樹包裹在葦席呼僮拆視之萬萼爭雪白洞房何窈窕深鎖無人



闢畫屏山水色隱約見窗隙階前垂釣處短艇橫幾隻中  
流簫鼓競此樂朝與夕賓客誰最豪明珠綴履舄奉觴壽  
主人相期保金石歡讌曾幾日遺之如草澤當時意氣盛  
萬金良不惜所惜爽鳩樂飄忽人事迫浩歌復三歎渺渺  
感今昔不見香山老作詩嗟廢宅

出右安門小憩清泛園外酒家

紅板橋邊舊草堂十年曾此醉千觴芙蓉別後新開沼楊  
柳春來已拂塘感候忽驚禽語變催人何事馬蹄忙誰家  
池館閒無賴花落苔深自夕陽

春夜獨步

檢書不成寐散步循前除風力爲花顫月光因竹疏林開

見宿鳥波動知跳魚萬慮此中淨脩焉游太虛

襍詩集卷十四

壽陽祁寓藻叔穎

古今體詩六十一首

戊子

萬柳堂祀鄭公生日圖爲胡竹村農部

培輩題

龍蛇夢中呼起起天遣經神長不死誰歟月日溯誕降別  
傳分明補范史靈均作騷述庚寅榮緒陳經拜庚子古人  
制禮重反本直以精神契原始農曹瓣香在司農暇取陳  
編證覽揆箋詩每繹申甫文注禮更會桑蓮旨謂公麟紱  
有明徵宜潔溪毛修歲祀萬柳堂開似禮堂羣賢北面親  
筵几秀眉明目儼上坐一斛松醪薦秋水公之高節貽三  
世不但著書傳萬紙胡君繪圖有深意要使儒風振綱紀

不然絳帳盛絲竹奚獨鄉閭尊鄭氏繁余潢港望江海書

帶參差想階阼卻慙未預戴憑席儻許追隨孔融履

太平廣記

康成別傳生於順帝永建二年七月戊寅按順帝紀是年七月甲戌朔則戊寅爲七月五日也

初夏曉坐

買夏論園事事新鉤簾埽石坐清晨遊蜂抱藥時穿戶啄  
木銜蟲不避人緣砌竹萌纔解籜點溪荷葉自跳鱗關心  
更望西山雨準辦林宗墊角巾

送吳梅梁給諫同年觀察湖南

戢戢烏臺彥麟鳳耀獬廌直聲振海內清名動

天子朝廷嘉乃績異以南國紀

命下賀得人百僚咸慶喜惟君念民莫諮諏到弇鄙十分

未得一何以報知已請爲述洞庭往蹟之所履大哉荊州  
浸吞納七百里鼎澧各西跨天岳實東峙其中萬帆檣出  
沒風濤駛顛沈已可慮況乃藏姦穴肱篋在深夜巧於金  
攫市漁舟何泛泛結隊叢蘆穢名爲拯覆溺往往劫行李  
呼吸生死間譚笑忍坐視不知鱖魚腹沈冤誰爲起連年  
濱湖地漂蕩無定址其害在垵田當湖築洲汴大者千百  
頃小亦成疆理秋來百川灌遏而使之徙郡縣受其衝田  
廬爲傾圯往者馬制府察勘曾及此厥田別官私官存私  
則毀奉行沿故事申章煩御史煌煌條教頒令行禁且止  
斯皆亡業民聚族田於是驅之將奚歸縱焉伊胡底除弊  
去其甚思艱慎厥始要期奠蒸黎肯使擾耘耔吾聞古循

吏貴目而賤耳洞燭利害源興廢以時揆其要在力行廉  
能任所使訟平民乃安年豐盜可弭君學慕宣公濟時式  
浮靡露冕所到處萬口流聲美渺渺離騷國眾芳豔秋水  
采摘余懷袖三歲香未已願君勤愛惜中有蘭與芷

端陽前三日偕季高爲沙鑑塘應清楊琴僊通視二

### 生置酒

揚馬文章屈宋才寫書同入漢蘭臺時恭榮御製詩初集延二生敬繕彙本  
從今吐鳳凌雲氣都向摹天繪日來山館披衣朝雨落水  
軒敲句夜鐙開相看益智酬佳節更取荷筒遞酒杯

### 午日小飲呈季高

芙蓉池館雨餘天朝退清閒似散仙此樂與君三載共每

逢佳節一陶然隔離呼酒頻移席畫壁吟詩不計篇底用  
龍舟誇故事鏡歌祇在五雲邊

月之十二日 朝  
廷有受俘之慶

### 喜黃小田儀部來都並寄呈當塗夫子

聞道君來見恨遲經年惆悵詠將離便從子敬思題壁還  
向羊曇問賭棊

君偕令甥唐振甫  
鏐來都應試

袖裏湖山看入畫庭前梅

竹想裁詩碧筒滿酌休辭醉池館芙蓉似舊時

### 次韵佚齋師南唐古梅用東坡李公擇梅花韵

黃昏庭鵲噪月影暗香動開繡得新詩恍聽江城弄虛堂  
忽無暑冰簟寒欲凍爲言平山梅老厭塵市闐欣然獨造  
訪策杖屏騶從相對兩癯仙俯仰神爲縱甘泉陳玉樹吳  
都紀平仲徒夸物產奇兼及包匭貢侈言每無驗好古非

所重君看南唐植至今翠羽暝紅羅閉千春豔曲無人諷  
花開歲已暮酒熟飲須痛況逢太平日羽檄罷秦雍擊身  
鼎鼐旁歸作江湖夢戴雨拾金彈耕煙課玉種閒如林逋  
鶴一放不可輕詩成獨自笑清賞誰與共嗟余抗紅塵無  
緣騎白鳳空吟庾嶺花未叩羅浮洞折枝儻相寄想見春  
浮甕

佚齋師年開八秩次移梅韵寄祝二首

雙管圖成曲水園一尊相對總陶然洛中若續耆英會海  
內應推鄭國年耆英會富鄭公七十九年最高雛鳳清聲聞節足古梅疏  
影想盤旋祝公種樹都成抱歲歲花開杖履邊

竹尾梅梢認小園椒園有梅邊竹裏臺足音何處響楚然王家柴几



傳師法謝氏青山讓少年謂王子卿謝駿生兩前輩渺渺江楓千里遠  
茫茫人海一舟旋吳波亭上重回首應笑紅塵壓帽邊

題王子卿前輩澤希右園圖

客從于湖來爲說湖上宅袖中出秋水一瀉三千尺青山  
寫眉黛遠岸橫如幘偃蹇不入城爲君照几席疏林淡斜  
日高下露屋脊湖亭最瀟灑寸寸闌干碧兩翁佚齋師與子卿先生

坐無語脩焉筆初擲不知身入畫但見天水白張公舊祠

堂落葉無行迹豈謂柴桑里復有歸來客誅茅更闢徑架

竹重書額興來賦小詩酬唱永晨夕憶昔虔州道爲我貌

行役折花寄野館緘句馳煙驛壬午秋余奉使嶺南先生守贛州爲寫梅嶺探春圖

復以郵筒寄詩於南昌道上雪泥有聚散裘葛凡六易涪翁復高蹈兩

載湖山隔因茲見手翰細認樹與石離懷不可寫媿茲烏

玉壁

先生與供齋師各惠佳墨

題高麓菴三峯園圖

輪囷古檜蟠虬偃蹇孤松覆欄楯萬竿碧玉都可憐吾  
獨羨茲三石筍雲根寸寸秋色起泉竇棱棱月痕引若非  
蜀道失蹲象定是黃山落飛隼主人愛爾每下拜顛米迂  
倪任嘲哂三峯翦作四圖看面面玲瓏步不窘試登傑閣  
數池魚直訝巉巖動窗蜃此石特立何所倚向背由人笑  
必準有如玉井古蓮花肯學蛾眉鬥邢尹皖江咫尺袖不  
去讀畫知君意無盡道逢奇章勿輕示挽致或恐煩車糾  
祇宜官閣對龍眠一闕高山寄瑤軫

麓菴善琴工畫作敗於皖

食筍齋十詠

竹徑

齋南竹三叢當塗夫子手植遂以名齋東南隅兩叢西北牆下一叢皆余所補也春夏雨

足筍進地而出交柯亂葉款吾扉者披翠而乃入焉

南筍笑北竹謂是黃琅玕柯葉信不改青翠終交攢豈無時草木愛此經歲寒

老屋

循竹而西過牆而南老屋三間榆柳之下園廬昔燬於火獨此屋與近光樓巋然尙存

老屋如老人獨處甘樸素何年蒼松桷百蟲不敢蠹相望西北樓浮雲隱高樹

借春陰館

館當老屋之北檐角海棠一株高三四丈花時與客飲酒賦詩其下取放翁詩

意名之

欒枝雪飄蕩丁香玉參差海棠獨有情年年招我詩春陰

儻可借及此未開時

東峰

上有老榆高出羣木下有樂泉清冷如鏡峯在齋東故名

東峰雖不高出門易登陟泉光寫空翠可以鑑胸臆誰家

不繫舟逶迤此山側

峰下屋一區程春海前輩顏曰樂泉西舫

月湖

門對南湖水天一碧園木蒙密到此豁然開朗顯處視月吾於斯湖有取焉

密林鑱頑雲合沓不肯開天風吹月出落我南湖來誰翦

玲瓏玉團團帖酒杯

影荷橋

石橋界南北兩湖之間荷花開時紫紅漾碧如畫舫然

遠望不見橋但見花上下蓮船橫十丈偶爾通車馬若教

解纜去應無問津者

見山臺

橋東北水折處突起一小岡出館之背頂若平臺高與檐齊登之可見西山

西山擁高髻向我牆頭壓登臺忽闖露林隙翠如插乃知  
偃蹇士可見不可狎

藥坡

岡自北而南尾注於齋奇石環之高下雜植藥草枯梗數叢挺秀可愛花開如紫玉瑛野

鞠緣坡入秋特盛

桔梗比賢人鞠華如隱士託根幸同岑相悅不相倚秋風  
滿籬落采摘殊未已

雨香泚

齋之後爲北湖鑿以重岡跨以橫橋林陰四布幽邃無盡

萬綠下秋影溼雲行有聲不知山雨至但覺衣涼生晚來  
捲簾坐斜日還復明

洗硯池

北湖之湄藥坡之腳爰有磐石可濯可沿

洗硯非爲硯愛此磐石好不用持釣竿危坐被魚惱吞墨

自來去水石終皓皓

石士外舅夫子生日用太沖詠史韵賦呈八首

太邱盛門第積德由詩書清風灑江右曾雲淩太虛簪裾  
照四國雍容麗且都至性式頑懦廉隅絕苞苴名齊潁川  
荀節慕延陵吳義田濟萬人至今遺令圖功成不望報平  
生笑賈胡大哉百世澤用啟中田廬

中田一何有嘉樹蔭良苗時雨潤其根和風抽其條二方  
旣競美慈明冠朋僚夫子實邦彥文章鳴

聖朝一乘御史驄再珥侍臣貂家聲亮云繼多福躬自招  
仲舉未冠日出語驚群君爲文有奇氣志已無終軍慨然  
企往哲百家徒紛紛威鳳羽五采在雛已不羣衆鳥集灌

木桐竹莽難分回鵝慎所擇養此垂天雲

大雅久衰謝斯文誰與居落落惟子昂高蹈凌天衢獨回  
盧王轍遠造班馬廬伯牙操遞鍾東郭濫寒竽衆耳習嘈  
雜元音溯權輿想其殫思慮一瞬周六虛高情發天籟縱  
筆任所如俯仰自千古曠焉立中區

古人重師授負笈越郡州仲弓事季明中慕匪外浮所樂  
在道德不易公與侯一聞山木言徑作鍾山遊魯公導其  
塗將以觀其由姚公濬其源遂以宏其流

翰林近華蓋地高名亦震由來典籍府宏達待畸人埋輪  
豈不赫奚煩賈董倫一朝解繡衣雅頌還敷陳永荷  
朝廷知拂拭出風塵致成名山業載筆酬鴻鈞

中州圖書淵河洛氣不薄江南竹箭藪英俊之所宅春官  
萃羣彥太學慕李郭誰與秉衡鑑所向無空廓頽風屏浮  
靡真賞歸六籍連年釣巨鰲縱之遊大壑濯鱗欣及時濡  
沫憶平昔感茲風雲力終焉謝沮澤

巍巍天祿閣迥出天漢隅校書三十年寂若處士廬道重  
物自輕履步皆坦塗高雲送飛鳥涸池憐窮魚媿非蘭蕙  
質乃致藥籠儲女蘿施松柏情親更不疏遂參博士席得  
窺中郎書人生感知已安用歎苑枯再拜祝眉壽願公慶  
有餘上佐

天子聖下爲多士模

題喬鷺洲

重禧

夢紅僊館詩集



不用牢愁琢句工累君南北是詩窮金荃妙語流傳處錦  
瑟華年感慨中旅客自來憐社燕天公何事怪秋蟲會看  
詞賦凌雲氣漢殿諸卿有薦雄

題鷺洲宜園讀書圖四首

十丈紅塵壓鬢絲黃金駿馬日交馳片雲回首陔南館祇  
有青鐙似舊時

倦遊誰似長卿才行見高車駟馬回手寫

瑤華十萬字讀書終合住蘭臺

道光元年恭親王手寫校  
屋全集皆君一手寫校

扇子湖邊舊酒樓槐花庭院幾經秋客心已逐鱸魚去更

柰牙籤餞鄴侯

時君仍寓  
壹齋舊宅

風流公子黃辭玉灑墨被豪似老筌舊雨不來雲易散借

君圖畫認江天

圖爲寸園公子所作今寸園已侍養南歸矣

園中近有馴鹿或云來自諸王園邸者

深林有鹿肯來遊得食孤鳴惜寡儔易退卻如堂上鶴相親聊比水中鷗扶筇過客驚還避騎竹羣兒逐未休何不徑歸梁苑去棚雲深處正懸侯

太乙舟雅集圖爲葉筠潭前輩

紹本

題次朱芾堂京

兆

爲弼

韵三首

西來竹馬瞻塵蓋北向雲山近卿霽清風千里送還朝紫陌三條語傾蓋春明舊雨半華髮留客重修眞率會雲車風馬仙之來酒龍詩虎神散沛蓮船一葉厭屋聚歲在參井光尤大知君此去必褰帷道左諸生識郭太

君嘗主講平定嘉山

書院

憶昔榆關設帳日問字車輪流水疾獨於下邑屢留題月

驛山程隨馬膝

白鶴山房集有壽陽驛懷韓文公壽陽道中山行諸詩

邇來霖雨徧

蒼生應念絃歌遺石室聞君下車百廢舉政平訟理聲洋

溢坐令山樞葛屨民考鐘伐鼓娛琴瑟豈知游刃乃恢恢

不礙論文抽乙乙

君昔賦詩壬申秋太乙舟畔鴻泥留當時閉門誦七發還

以筆談敵面謀北郭詩翁已寥落南城亭館彌清幽

嘉慶壬申

九月十九日石士先生邀同人集太乙舟

主人愛客轄可

投浮家宦海稱宦鷗但使朱顏照春酒不教蒼蘚迷前游

菊芳蘭秀忽滿眼把卷卻憶橫汾舟

園居雨晴卽事

竹粉蕭疏苔綠肥  
檢書人靜倚晴暉  
忽驚林葉墮窗紙  
信手欲拈蝴蝶飛

剌雨棲林風有力  
斷橋負水石無痕  
籬邊筇竹無端響  
著屐開門見鹿奔

次韵温雲心孝廉

啟封

見贈二首

養親資薄宦久  
旅當還鄉寥落同  
岑契迷漫眾草香  
銜杯期共醉揮扇欲分涼  
不惜頻來往相邀稻蟹黃  
青苔尋舊雨錦瑟感華年  
善舞誰知鶴能鳴卻避蟬  
高懷屬霄漢餘事付神仙  
勵志吾方媿君詩似茂先

得六弟書喜賦四首

書來吾見弟客久夢還家爲說高堂健如聞穉子譁芹香

添燕壘玉潤競蘭芽怪底紗窗下青燈夜夜花

琴南妹壻與二姪世

庚俱入庠序

一幅新詩寄連珠字累千登樓還望遠磨盾欲籌邊更喜

桐圭詠如披棣鄂篇相期敦志節先著祖生鞭

春草懷予弟蠻牋念老兄莫嗟花樣變終聽脊令鳴碧桂

羣仙待青衿弟子迎會看蓉鏡月三影對杯傾

三兄九躋秋試而志

不衰今年科試聞列前茅門人王生庭芷亦游泮水

聞道征夫適東牀且慙安燎鬢憐姊病妝鏡爲甥完野菡

須勤采家困重急難劬勞慈母意如對女嬃歎

春府姊壻遠戍西陲

得

旨放還頃來書

七月中可到壽陽

常芸閣侍御

恒昌

惠陽城鐘賦謝

飛而擇肉豈其倫  
腰腹彭亨稱此身  
陶穴遺風沿土鼓  
山廚活火費松薪  
侈言似誚厄無當  
冷坐應憐釜有塵  
自笑烝壺猶未熟  
頓思鵝鴨會比鄰

次韵佚齋師丁亥九日偕王子卿邵蘭泉

世滋

兩先

生泛歐湖登荆山二首

涪翁真是老詩豪  
氣與秋崖一例高  
螺磴欲穿幾兩屐  
蜂窠猶認古來篙  
溪邊選石閒調軫  
林下分牋鬥詠饒  
九月江南仍白袷  
登臨那用畏風鏐

興來點筆出嵌崟  
滿紙秋痕不可芟  
回憶紅塵如夢墮  
舊遊蒼蘚待詩剗  
已因送酒開三徑  
更遣行窩寄一帆  
他日

雪堂攜一客未容林屋隔仙凡

佚齋師舊居古桑書屋西鄰有井因號井西解組後  
鄉人許小琴文深手搨井闌石刻廉泉二字旁書寶  
祐年號乃知爲宋井也

謝墩王認一何癡地以人傳在井眉試問廉泉鐫字日可  
知佚老挂冠時桑間三宿難忘爾圯上重來偶見之寄語  
鄰翁須護惜石闌他日待題詩

貞烈李孺人魏氏輓詞

并序

孺人山東壽光人吾師交城縣尹西園先生來田之

女前太平令順天李石卿炳彥之子翔墀之繼室也

生一子舅歿孺人從夫侍姑還都門丁亥冬子殤越

日夫亦歿孺人悉出匱具爲夫治棺衾訖遂自經時年二十有八此道光七年十一月九日事也

婉婉魏氏女翩翩李氏子絲蘿一以締矢志同生死兒生未周晬舅歿姑還里豈不戀父母姑老家無倚閭關從藁砧別淚滴清泚父曰吾秩滿北上當送爾母曰女母念敬事夫子耳蕭蕭北風疾歲晏衆芳靡一吹彫蘭芽再吹隕連理蘭摧心已枯桐死長已矣開我嫁時箱檢我簪與珥哀哀營櫬檣勉勉奠筵几上堂拜孀姑有叔奉甘旨朱絲斷纏綿一絕不可起寸心亦何憾永念違怙恃北海吾經師平生感知已昔爲受川令惠我桑與梓悠悠二十年訟庭冷如水膏腴不自潤明慎乃遭毀誰云報施舛生女乃



如此鄰里共歔歔薦紳爭歎美僉言清白吏家範世所企  
行看

丹詔錫彤管垂信史此節在天壤凜凜樹人紀作詩寄吾  
師悲懷庶少弭

春海前輩奉

召還朝仍居直園賦賀

江漢歸來氣倍豪胸羅星斗口波濤不求衡嶽鑪中芋卻  
憶元都觀裏桃旅燕代飛秋幾度寒雞同聽夜三號籬花  
砌竹俱含笑看取牆頭過濁醪

八月十四夜偕春海昆明湖踏月次韵

曾隨查客尋牛斗聞道支機出世間江月載歸衡九面天

風吹到海三山紅牆是處通銀漢紫府何人破玉環應念  
高寒留不得夜深分影照柴關

春海將迎太夫人板輿來園疊韵奉呈

琉璃窗戶灑銀豪湘竹簾櫳感綠濤繞徑已謀捷六枳奉  
觴還喜獻三桃雨敲荷影池魚聚風轉珂聲櫪馬號便許  
幅巾堂下拜更從公瑾醉醇醪

春海以山谷集見示再疊前韵

胎骨能追李杜豪肯從蘇海乞餘濤但論宗派開雙井已  
是綏山得一桃人說仲連如鶴子我憐東野作蟲號蝻蟀  
瑤柱都嘗徧且酌清尊試茗醪

喜晤俞陶泉太守

德淵

苔岑舊雨跡斑斑十七年來聚散間猶憶論文共芸館不

堪回首向蘭山

先君主講蘭山書院君時受業

芙蓉曲檻經秋冷鷗鷺圓

沙對客閒欲翦雙筩留五馬幾回離思滿江關

吳門流化久滂沱千里鳴絃禮讓多治行已侔循吏傳風  
謠先聽路人歌別來南國棠成樹聞道公庭雀可羅終是  
勞心膺上考劇才那用競催科

屋後野菊盛開與春海小飲

散漫山椒石徑斜風痕煙影亂窗紗似憐蝴蝶依秋草曾  
見芙蓉落晚霞佳節催成連日雨小園送盡一年花隔離  
呼酒從君醉肯對霜螯手自叉

十一月晦日春海祭酒以雪後過金鰲玉棟橋詩索

和且約消寒雅集是日大雪欲往不果次謝二首

忍凍誰披鶴氅圓飛花先已集車璫六街晃漾平如海萬  
瓦觚棱直到天玉螭連雲江國夢

君初自楚南還

金魚換酒市樓

煙獨憐咫尺城西路未許洪厓共拍肩

歸去銀杯逐馬圓留賓猶設廣文瓊卻慙埽徑殷勤意偏

負圍鑪煖熱天投轄不須開後閣灑袍且免趁朝煙

祭酒每朝

詣廟例不入直

聯吟石鼎君應笑贏得侯生一聳肩

次韵春海雪中退直

憶昔橫丹青草岸褰衣涉雪泥至骭白馬祠前一回首玉  
龍歎飲銀山爛三聲鐵笛裂清夢聽鼓趨朝旦復旦長沙  
送客曾幾日鬢髮星星看已半人生到處逐鴻爪離合無

端等冰泮彩虹鏡下佩環入花絮橋邊車騎散獨開南閤  
召僚友欲祭新詩以酒裸聞君石鼓證奇字穀穀冰斯能  
不顰更研畫理邁虔岳楚水黔山疊几案方今

朝廷重儒術不使賈生憂絳灌兵銷河復官事簡萬卷坐  
擁扶風幔破臘天方雨珠玉美年誰更占星漢君才甚大  
足濟時餘事放筆爲直榦會須一麾彌九野鞭策風雲謝  
羈絆紛吾羸蹇適何所僵臥煩君問炊爨不辭白戰乏寸  
鐵他日相從雪堂畔

漫九亭集卷十五

壽陽祁寯藻叔穎

古今體詩四十七首

己丑

馴鹿行

湖波抱山綠無縫中有橫岡如卧棟不知何處馴鹿來藉  
草銜花寢訛共擇音似避車馬喧食野每厭兒童閑可憐  
孤鳴絕儔侶此身義不辱翫弄有時浮鼻過水涯連舍羣  
彪吹相從豈因腫背怪囊駝竟欲鳴柝驅威鳳小園略比  
輞川柴大隱不羨匡廬洞年來海客方狎鷗漸喜漢陰能  
抱甕穿林走町任爾意揮塵吾方事吟諷憶昨  
霓旌下

南苑萬馬浮雲春一縱歸來割鮮逮左右拜舞銀盤識  
恩重豈知騶虞意仁厚壹發何期五祀中君看此鹿何濯  
濯來果誰驅去誰鞚或云逸自梁王園或云赦自官庖供  
嗟予得失久相忘蕉鹿無心還入夢

題詩舫農部使閩紀程詩草二首

不羨仙槎載荔支羨君椽筆發瑰奇直從子美趨庭日吟

到安仁奉母時

尊甫延庚先生時由無爲州廣文薦舉入都君使旋迎太夫人於杭州西湖奉觴行

樂鄉里

橫嶺煙霞飛履舄西泠山水照旌旗懸知負弩經

過處畫壁籠紗有舊詩

雲間日下兩娛親鶴節冰銜各鬥新共道文章酬

聖主我知忠孝出詩人戴憑席上譚經洽

同奉使者戴郭湘圃修撰

隗臺前相士真

郭解首

他日一官成一集江南獨步屬王筠

初夏自城還園滇生惠折枝芍藥賦謝

春明門外雨蕭蕭如火如茶壓擔挑千葉殷紅花富貴一  
叢淡白玉逍遙折來馬上香塵重分到窗前彩筆嬌昨夜  
顛風語檐鐵不知離思爲誰消

帽影鞭絲拂紫騮小園西北是高樓朝回足抵還鄉樂花  
發渾忘下第愁

今年春闈吾兩家子弟皆報罷

婪尾春杯仍可醉園腰金

帶不須求喜君池館偏瀟灑已有田田翠蓋浮

題溫雲心詩草

敦厚存風格艱難有性情青袍何日換華髮此中生排悶  
看山色挑鐙坐雨聲莫教詩更好坎壈是浮名



韋杜城南路芙蓉水北樓論文一杯酒彈指去年秋廣廈  
今方闢英詞會見收看君有奇骨誰爲致驂騑

郴石硯歌

并序

郴石向不製硯硯自曾石友刺史

鉅

始郴自國朝

來無成進士者進士自陳雲心

起詩

始陳生之來都

也曾君遺余郴硯余既賀茲石之遭又歎陳生之遇  
合有時爰作歌以報曾君且示陳生

郴之美者靈壽杖百金未許求一竿邇來郴筆亦鉅利誰  
歎割此青琅玕曾侯治民等治石砥礪所及皆可觀五蓋  
之峯涌神漢下有大石何盤盤林幽路迴人不到歲久或  
爲蛟龍蟠篴輿蠟屐偶一遇試以斧鑿加彫剝歸來再拜

眞吾友方圭員璧森衣冠夜深虹氣發光怪飛度衡嶽千  
巘阮湘中仙人正隱几明月入袖光芒寒夢回開緘得雙  
珏江花邱錦紛闌干文章有神交有道此事奇絕驚騷壇  
程春海學使夢造刺史室室盡硯遂懷一去覺而寓書於  
刺史以爲笑已而刺史果以雙硯餽宛夢中所見也春海  
爲詩紀事謂侯能文善隸古近復俎豆昌黎韓北湖築祠薦蘋藻報以蒼玉神所歡  
柳之北湖昌黎集所謂又魚地也久  
以張員外署李使君伯康配焉春海爲記  
往余視學楚南亦嘗以詩遺刺史述其事陳生北來致侯  
語云此不謝歛與端遺我尺書兼尺璧發匣欲試先三歎  
世人緹錦寶燕石荆璞見別誰能完能使柳石化爲硯更  
使柳石化爲官翻思陳生未第時如石待琢埋巖巒一朝  
成器伊誰力百年遇合良獨難君不見沈侯之琴堂上彈

四十餘戶操幽蘭

沈栗仲道寬宰鄱縣取炎陵文梓爲琴邑人化之絃歌者四十餘戶亦見春海

詩

又不見曾侯之硯安如磐萬手濡染出波瀾知侯用意殊翫物肯以案牘歲月銷螺丸

笠澤叢書題後

夙慕天隨子會編耒耜經豈真甘笠澤或亦比唐亭阮籍非忘世靈均本獨醒筆牀容易辨吾志在揚舲

元李文仲字鑑題後

汗簡郭忠恕說文徐楚金書窺揚子詁字作呂家林面目傳真鑑膏肓得善鍼可憐兔園冊什襲等璆琳

晚霽

五月四日

嫩涼棲几簟妍綠灑庭柯夕照閒如此平池漲幾多石棱

蝸怒出簾隙鹿驚過節物紛吾眼因之夢薜蘿

曉晴卽事呈溟生籥亭兩同直

五月九日

曉夢初回鵲噪林披衣著屐且登臨日光鑄雨黃金豔雲  
氣吞山碧海深隄柳馬嘶知

輦過浦荷魚戲任鉤沈豐年景物多閒暇況有岑苔愜素

心

今日駕幸萬壽山例不入直

籥亭見貺佳章次荅

高卧軒窗想太初琴尊隨分樂何如忘機竟欲儕鷗鳥食  
字何妨學蠹魚三石橋邊騎馬過萬荷花裏對門居壺中  
日月容吾隱更擬從君乞著書

紀遊詩和許恂甫孝廉

乃劍

兼示六弟幼章

青龍橋西流水多柳陰如水車輪過不能迴車走城市賦  
性寂寞可奈何岑參兄弟興尤劇邀客時時蠟雙屐與余  
弟同信步真成汗漫遊無心遂得支機石山樓水殿朱闌  
干雨過湖風五月寒不知玉帶橋邊月可許攜琴坐一彈  
沈沈雲霧春雷吼咫尺雙龍卧銅鈕未攀鐵索度天台已  
掉漁舟回洞口歸來三日馬頭塵清景追摹了不真借君  
詩句醒吾夢終媿遊仙郭景純

### 飼鵲行

東鄰有鵲棲庭梧有翼不飛飢則呼投以飯顆如哺雛云  
昔墮地集於樛參之既久爲人娛不能高舉天漢隅亦不  
知世有飢驅主人三歎客胡盧一飽自足毋乃愚此園夏

居冬則徂豈能與爾長相俱銜枝作巢尾畢逋稻粱之計  
宜早儲霜雪至矣嗟何如

食筍齋南竹三叢左田師手植也去年東一叢漸彫  
落補之今年六月復於牆東南隙地補兩叢焉因紀  
以詩

幽齋長對碧玲瓏闢徑難忘手植功已喜清陰連舍北更  
留隙地補牆東今年雨足宜新筍他日圖成寄退翁料得  
于湖垂釣處詩饒翻欲笑文同

題喬鷺洲詩稿

秋水光中劍匣開驪駒聲裏客愁催詩兼燕趙悲歌氣人  
有韓蘇磊落才莫恨求珠憑象罔曾聞買骨得龍媒思量

此事翻搔首一擲陳琴碎若雷

送黃小田儀部歸覲卽次其甥唐振甫韻

涪翁南去全家挈飽瞰黃山老松屑剩有修篁守直廬候  
蟲時鳥猶喧咽公子華筵舊雨來三年兩度看花別憶昔  
海棠紅破蕾卽今蓮子房初結流光與客互相送咫尺雲  
煙隨變滅邇來海內數耆舊山甫故是王喉舌蒼生霖雨  
願已慰落手扁舟去如瞥君歸且學老萊舞養志翻笑安  
仁拙況復

龍章錫眉壽文綺彫珍壓鞍埒

朝廷任子

恩特殊故使趨庭博歡悅扶杖重遊泮水香奉觴更酌廉

泉潔懸思明月照綺席正是團圓好時節春明門外騎馬  
客垂柳如鞭那堪折就中甥舅別更難滿眼羈愁向誰說  
我讀唐風瓊玉篇悠悠汾水鄉心切乃知人生有至樂溫  
嶠何爲致裾絕

滇生惠家製豆漿風味殊佳賦謝

輕如蓮粉重如酥千里蒹羹滑未殊菽乳不須求近市玉  
漿何意出中廚蕪蕪亭畔諸名將飯顆山前一腐儒兩事  
較量君聽取吾方餉客問蒸壺

顧簪洲竹趣圖

洞庭君山之簾竹倒影能使湖水綠武陵洞口更絕倫筍  
比櫻欄不可刪別來清夢何闌珊手種小園三兩竿牆垣



逼仄樹蒙密咫尺未許雲霄干高人自與竹有素干肺腑  
中飽風露小築真成蒲石居新吟定有琅玕句白頭兄弟  
幾銜杯寫影年年共老梅何時夜雨連牀地喚取東軒長  
老來

賓洲爲南雅  
先生之弟

七月十七日感作

朝回兀坐寂寥時客去重簾自在垂亂葉疏蟬風不定浮  
塵野馬日頻移銀塘花落渾無主碧海珠還未有期誰釀  
葛騰千日酒醉人容易醒偏遲

時京兒殤兒以丙戌  
歲十二月初五日生

晚晴

雨餘池館靜斜日在簾櫳涼葉墮猶碧秋花疏更紅蜩蟻  
高處穴蟬歇晚來風洗盡箏琶耳華鐘出

禁宮

獨坐

獨坐忽沈吟園扉窈以深夕陽蟬世界秋草蝶光陰心折  
謝公屐膝眠陶氏琴無人知此意把卷且孤斟

送孟汝甫明經

式猷

歸里

廿年舊雨心交久半載停雲話別遲公瑾醇醪客我醉匡  
衡妙語解人頤綠槐庭院蟬吟處紅藕池塘燕掠時一樣  
歸心瞻馬首羨君團月逐鞭絲

題李星溪都督洗硯圖

曾挽銀河洗海氛更臨曲水想鵝羣銘山刻石渾閑事都  
付春波一片雲

投筆當年為請纓笑談草檄氣縱橫豈知盈尺團團玉中有風檣陣馬聲

己丑歲八月十有九日

聖駕東巡

盛京扈從恭紀

獻詩芸館昔叨榮嘉慶戊寅秋京臣時以庶吉士恭進詩冊盛何幸親

瞻鉅典成載筆追陪三太史鄂復亭少詹事受次農侍讀許與生侍講同以起居注

官奉命扈從屬車談笑兩書生與與生同直南書房

丹陵地迴雲常護玉宇秋高月倍明東望鬱葱佳氣滿

無才力賦都京

薊州道中曉行

銅斗聲中萬帳寒滿天秋色上征鞍驛燈明滅隨山遠沙  
月微茫似海寬屈指幾時過沛里舉頭仍喜近長安東都  
父老應歌舞十二年來望

翠鑾

渡灤河橋

燭龍天矯破空行碧水朱闌照眼明飲澗雙虹晴有氣衝  
枚萬馬夜無聲衝開星斗銀河落劃斷波濤  
輦路平便欲浮槎探鵬綠不煩鞭石駕滄瀛

夷齊廟

行殿鄰祠宇平原駐旆旌舊傳孤竹國今作萬松城  
孤竹城上  
萬松環翠海氣逼秋冷山光助晚晴采薇賦于役還勵此  
望之如畫

心清

出山海關

爲問長城幾許長前朝曾此重邊防  
兵屯滿地今墟落禾黍連天古戰場  
惟見凌河仍牧馬不聞遼水更分疆  
六龍按轡經行處卻望巖關是故鄉

中前所城外行帳望海

莽莽平原接大東海山秋色混茫中  
碧天盡處疑無地白浪飛來不爲風  
遙指帆檣如立馬迴看城郭是垂虹  
出關一事真奇絕卧見扶桑曉日紅

行帳和溟生二首

眼前突兀浩無邊平野瀾漫遠近連  
初訝風檣來大海漸

看雲錦散遙天四圍燈火重城月一片旌旗萬竈煙共指  
斗車旋轉處

紫微高出衆星躔

席裏氍毹包數駱駝行勝家具兩如何山逢好處移窗近雨  
到喧時入枕多泛宅便攜茶竈去垂鞭疑傍酒帘過礙眉  
妨帽從人笑作字吾方詡壁窠

策馬和溟生

路直林長水印沙一條蹄道散成花入羣我欲齊鷗侶出  
塞人呼作馬加漢書西域傳有馬加牛加官名咨度且須歌四牡奔馳那  
敢忘前車謂去年秋闈覆車事卻欣豹尾追隨共得傍天閑五色霞

御馬有  
飛霞駿

登醫巫閭山歌九言一章

昔年常讀周官爾雅文曰醫巫閭擅東北之奇及觀圖經  
志乘所臚列茲山之美不止珣玕琪粵若

先皇臨幸戊寅歲

小臣

芸館敬獻

東巡詩

今皇紹統年豐而兵戢允念遼瀋

王業基於斯上

陵展慕道出山之麓先期齋宿致禱於

神祇然後躬奉

慈輿陟崇巘辰出午旋樂不及於嬉

臣

以扈從珥筆屬車

後況有一三同列相追隨沙平路直夕陽散人影碧苔黃

葉遠與山參差小橋幾轉短衣騎而過大似山公傾倒習  
家池須臾紅闌高下沒馬足舍馬而步前後連尻睢千疊  
萬皴一一逞幽詭天巧所設翻似人工爲何年老蚌剖胎  
出空洞大珠小珠迸落聲淋漓是曰聖水之盆極奇勝放  
悲玉女洗頭來相窺青松或偃或立出石罅石爲松骨松  
乃爲石姿更上一亭懸崖若戴笠中有大海萬里天四垂  
乃知曠觀名亭目力窮宇宙芥子一粒足以納須彌巖怪  
石欲墜不得墜上有太古履跡如疊棋以掌代蹠側身俯  
而上仰礪壁字鏤刻何其危其右一徑轉而出山背可以  
排雲關而睹仙碑予方悄然撫膺長太息二僮已如猿猱  
不可追回視來徑蜿蜒只一綫紅牆界處始覺銀河卑歟



然長嘯徑欲叫虞舜不知金泥玉檢何處遺仙蹤隱蹟事  
遠末由證獨惜藏書之室無人披方今

聖德邁古恥封禪名山祀典風雨爲民司故都父老日夜  
望

東駕延頸跂踵如聞嵩呼辭吾儕躬逢鉅典侍

遊幸攀躋所到悉是

君恩貽笑彼史籀談遷之文字摹繪漢之豐沛周幽岐題  
名蘚壁忽忽吾未暇記取歲月已丑重陽時

老邊曉行

白板沿村屋朱闌跨水橋海雲晴帶雨沙月夜連朝古戍  
三關險秋原萬馬驕時平無戰伐邊柳自蕭蕭

溟生有馬逸於道操轡者睡而未之覺也醒乃得之

戲和

臧穀亡羊未易禁睡蛇鉤去又重尋脫羈或爲求芻急入  
埒終應戀主深拂拭細看官字印馳驅聊試宦遊心嗟予  
得失相忘久一笑從君塞上吟

夕發上夾河度瑪爾敦嶺夜抵夏原三首

曉發蓮花背夕投樺木岑

兩程一日

煙嵐絢斜日紅碧助秋陰

石亂馬蹄碎山空人語深不知幽絕處何路可登臨

明月自太古碧山非人間天風下秋影動搖襟帶間忽聞

澗水落知有虹橋轡翻思昨夜雨不似此聲聞

九月十四日夜過薩

爾許嶺大雷電雨雹

天高夜氣下野燒無直煙化作山半雲流爲澗底泉月華  
凝不動海水空復連但向此中去疏林無盡邊

永陵侍班恭紀

萬古葱龍氣如天覆九圍山川長拱護雲日共光輝  
神樹秋逾茂慈烏曉自飛  
聖情哀感切霑灑侍臣衣

九月二十六日蒙

恩賜胙恭紀

几筵匏豕溯淳風

詔許儒生拜

賜同敢道文星聯將相羣霑

湛露及椅桐受釐漫用誇前席作頌還應陋闕宮退食從容迴眺處

鳳凰樓上日初紅

姜女祠

姜女祠前秋草生望夫石上淚縱橫亦知精衛難填海誰遣蒙恬更築城遺事至今傳莫定靈風終古恨難平依依最是關山月猶作蛾眉送遠行

盧龍道中曉行

獵獵霜風吹帽偏疏林雪後轉清妍溼煙帖地明於水殘月黏天薄似縣路遠漸能諳馬性囊空翻喜得詩箋朝來攬鏡真堪笑何處重尋僕僕仙

十月十八日夜發柳新莊大雪已而月出林巒如畫  
幔城行漏夜深催蠟炬疑煙凍不灰撼枕山風初吼罷鉤  
簾海水忽飛來四圍花樹村墟合一綫銀灣閣道開共喜  
灑塵還兆瑞泰平

天子上

陵回

同雲輾破月輪明彈指琉璃世界成白浪排空山突兀紅  
橋界水路縱橫風前亂舞搖銀海林表微開轉  
翠旌坐待燭龍銜曜出不愁城郭曉寒生